



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՎՈՒՇԻ ՄԱՐԶՊԵՏ

Կ Ա Ր Գ Ա Դ Ր ՈՒ Թ Յ ՈՒ Ն

02 հոկտեմբերի 2011 թվական թիվ 75-Ա

Մ-6 ՎԱՆԱԶՈՐ-ԱԼԱՎԵՐԴԻ-ՎՐԱՍՏԱՆԻ ՍԱՀՄԱՆ ՄԻՋՊԵՏԱԿԱՆ ՆՇԱՆԱԿՈՒԹՅԱՆ ԱՎՏՈՃԱՆԱՊԱՐՀԻ 83-ՐԴ ԿՄ-Ի ԱԿՏԻՎ ՍՈՂԱՆՔԱՅԻՆ ԵՐԵՎՈՒՅԹՆԵՐԻ ՀԵՏԵՎԱՆՔՈՎ ՓԼՈՒՋՎԱԾ ՀԱՏՎԱԾՈՒՄ ՎԹԱՐԱՎԵՐԱԿԱՆ ԳՆՈՂԱԿԱՆ ԵՎ ՓՐԿԱՐԱՐԱԿԱՆ ԱՇԽԱՏԱՆՔՆԵՐ ԿԱԶՄԱԿԵՐՊԵԼՈՒ ՄԱՍԻՆ

Ղեկավարվելով Հայաստանի Հանրապետության Նախագահի 1997 թվականի մայիսի 6-ի թիվ 728 հրամանագրի 1.22 կետով, հիմք ընդունելով «ՀՀ Տավուշի մարզի բնակչության պաշտպանության համակարգի 2011 թվականի հիմնական միջոցառումների պլան»-ով նախատեսված պահանջները՝

Կ ա Ր Գ Ա Դ Ր Ո Ւ Թ Յ Ո Ւ Ն

1. Մ-6 Վանաձոր-Ալավերդի-Վրաստանի սահման միջպետական նշանակության ավտոճանապարհի 83-րդ կմ-ի ակտիվ սողանքային երևույթների հետևանքով փլուզված հատվածում վթարավերականգնողական և փրկարարական աշխատանքներ կազմակերպելու նպատակով ստեղծել օպերատիվ շտաբ՝ հետևյալ կազմով.

- Ա.ՂՈՒԼԱՐՅԱՆ - ՀՀ Տավուշի մարզպետ, օպերատիվ շտաբի պետ
- Լ.Սարգսյան - ՀՀ Տավուշի մարզպետի տեղակալ, օպերատիվ շտաբի պետի տեղակալ
- Վ.Վարդապետյան - ՀՀ Տավուշի մարզպետի տեղակալ, օպերատիվ շտաբի պետի տեղակալ
- Վ.Վարդանյան - ՀՀ ոստիկանության Տավուշի մարզային վարչության պետ
- Վ.Հովսեփյան - ՓՄՎ պետ, ՓԾ փոխգնդապետ, օպերատիվ շտաբի պետի տեղակալ
- Վ.Սարգսյան - ՀՀ Տավուշի մարզպետարանի աշխատակազմի քաղաքաշինության վարչության պետ, ինժեներական ծառայության պետ
- Ա.Սարգսյան - ՀՀ Տավուշի մարզպետարանի աշխատակազմի քաղաքաշինության վարչության տրանսպորտի և ճանապարհաշինության բաժնի վարիչ, տրանսպորտի ծառայության պետ
- Ռ.Ներսեսյան - ՀՀ Տավուշի մարզպետարանի աշխատակազմի ֆինանսական և սոցիալ-տնտեսական զարգացման վարչության պետ, նյութատեխնիկական մատակարարման պետ
- Մ.Մխիթարյան - ՀՀ Տավուշի մարզպետարանի աշխատակազմի ՏԻ և ՀԳՄ հարցերով վարչության պետ

- Կ.Դովլաթբեկյան - ՀՀ Տավուշի մարզպետարանի աշխատակազմի առողջապահության և սոցիալական ապահովության վարչության պետ, բուժճառայության պետ
- Ա.Ղալթախյան - ՀԷՏ “Աղստև” մասնաճյուղի տնօրեն, էներգետիկայի և լուսաքողարկման ծառայության պետ

2. Տավուշի ՄՓՎ պետ, փ/ծ փոխգնդապետ Վ.Հովսեփյանին. փրկարարական և վթարավերականգնողական աշխատանքներ իրականացնելու նպատակով՝

1) իրականացնել սողանքային հատվածի հետախուզման աշխատանքներ

2) ճշտել առաջին կանչի ուժերի անհրաժեշտ քանակը

3) իրականացնել որոնողափրկարարական աշխատանքներ՝ տուժածներ հայտնաբերելու ուղղությամբ:

3. Մարզպետարանի աշխատակազմի առողջապահության և սոցիալական ապահովության վարչության պետ, բուժճառայության պետ Կ.Դովլաթբեկյանին. պատրաստականության բերել առաջին բուժօգնության բրիգադները:

4. Մարզպետարանի աշխատակազմի քաղաքաշինության վարչության տրանսպորտի և ճանապարհաշինության բաժնի վարիչ, տրանսպորտի ծառայության պետ Ա. Սարգսյանին.

1) ճշտել սողանքային գոտին շրջանցող ճանապարհի վիճակը

2) ձեռնարկել անհրաժեշտ միջոցներ՝ շրջանցիկ ճանապարհի շահագործումը կազմակերպելու համար:

5. ՀԷՏ “Աղստև” մասնաճյուղի տնօրեն, էներգետիկայի և լուսաքողարկման ծառայության պետ Ա.Ղալթախյանին. ապահովել սողանքային գոտու հարակից համայնքներին անխափան էներգամատակարարումը:

6. Մարզպետարանի աշխատակազմի քաղաքաշինության վարչության պետ, ինժեներական ծառայության պետ Վ.Սարգսյանին. պատրաստականության բերել ծանր ինժեներական տեխնիկայի պահանջվող քանակը:


7. ՀՀ ոստիկանության Տավուշի մարզային վարչության պետ, հասարակական կարգի պահպանման ծառայության պետ Վ.Վարդանյանին. տեղում սահմանել շուրջօրյա հերթապահություն, երթևեկությունը իրականացնել Վանաձոր-Դիլիջան-Իջևան-Բագրատաշեն երթուղով:

8. Մարզպետարանի աշխատակազմի ֆինանսական և սոցիալ-տնտեսական զարգացման վարչության պետ, նյութատեխնիկական մատակարարման պետ Ռ.Ներսեսյանին. վթարավերականգնողական աշխատանքների ընթացքում ապահովել անհրաժեշտ նյութատեխնիկական միջոցներ:

9. Մարզպետարանի աշխատակազմի ՏԻ և ՀԳՄ հարցերով վարչության պետ Մ.Մխիթարյանին. համագործակցել համայնքների հետ, սողանքային գոտում փրկարարական անհետաձգելի աշխատանքներ իրականացնելու նպատակով ներգրավել կամավորական խմբեր:

10. Սույն կարգադրությունն ուժի մեջ է մտնում ստորագրման պահից:

02 հոկտեմբերի 2011թ.  
ք.Իջևան



Ա.ՂՈՒԼԱՐՅԱՆ